

دین غیر اختیاری بر فلسفه ، فلسفه اختیاری بر دیندر

فلسفه محض و غیر محض

معارضه حرمت ، لافیده مرحت

اولوندی . بو کتاب تشریح بشری به یکی بر جریان ویرمیش و قطعی بر اساس اولمشدر . حتی بو اثری وه زالك بالاخره مادربده (شارلكن) ك و ايكنجی فليكن خصوصى دوقتورى اولمسنه وسيله اولدى . فقط نهايت سحر بازلقله اتهام ايديلهرك اعدامه محكوم ايديلدى . بو محكوميتدن قورتيلمق ايجون فرار ايتدى . وقده متوجهاً يوله چيقدى . بئديكى كى زاننا اطهسى قريبنده قضاذه اولايغندن كنديسى سفيلى و خسته بر صورتده فقر و ضرورت ايجنده وفات ايتدى .

— مابعدى وار —



محترم بها توفيق بك :

فلسفه مجموعه كزك بشنجى فورماسنده : « مجموعه من هر مخبريه آچيقدرد . » ديه بر جمله واردر . بو جمله برنجى نسخه كزك فيزيولوژى حقنده كى مقدمه و مدخل خصوصنده وشونداكلى يازمغه جسارت ويردى . حال حاضر فقه موافق ايسه نشر ايدرسكن . ديورسكنزكه : « غريزايك غايهسى حادثات حياتيه ني تحليل و تشریح ايد بيلمكدر . »

بو جمله ظن ايدرسهم نه فيزيولوژى ني تعريف ونده غايهسى كوستير . اكر فيزيولوژينك غايهسى يالكز حادثات حياتيه ني تحليل و تشریح ايد بيلمكدن عبارت اولسه ايدى اطبا و حياتيون بو علمى حال حاضرده بولندينى عالى مرتبهده بولنديز مزلردى . ديمك غايهسى دهـا عالى دهـا بشقه در . مساعده ايدرسه كز فيزيولوژى حقنده بنده كزده بر مدخل يازايم :

فيزيولوژى (غريزيات)

تعريفى : — موجودات حياتيهده طبيعه واقع اولان خارجى و ياداخلى تحولات و تبدلات حقنده كى مجمعه معلوماندرد .

غايهسى : — اشبو تحولات و تبدلات طبيعتلى ، صورت تحصيللى و سبب تولدلى نعدن عبارت اولدقلى بيلمكه ، لزومنده ايستديكمز كى اونلرى تبديل و تحويل ايد بيلمك اقتدارنده بولنه مزلرد .

موضوعی : — طبیعت و بالخاصه موجودات حیاتیہ در .

اصولی : — حال حاضر فہدہ سائر علوم طبیعیہ نک اصولالریک عینی در . یعنی تجربہ و مشاہدہ در . تجربہ بابہ بیلک ایچون انسانک بیلکسی اقتضا ایستیک انواع معلومات : — موجودات حیاتیہ نک حکمتی . کیمیایی، مبحث الاشکالی (مورفولوژی) ایله برابر اونلرہ خاص اولان تحقیق لیدر : (technique) . — طبیعی درکہ موجودات حیاتیہ نک حکمتی و کیمیایی بیلہ بیلک ایچون مطلقا غیر حیاتی اولان موجوداتک حکمت و کیمیائی بیلک اقتضا ایدر . ویا اونلرہ مراجعت ایتمک ایجاب ایلر .

خلاصہ — فیزیولوژی بی محمل اولارق تعریف ایتمک لازمشہ دنیله بیلورکہ : غریزیات موجودات حیاتیہ نک مطالعہ سی ایچون بیلکسی اقتضا ایدن مجموعہ معلومات در .

بومطالعات بلکہ تحف کلیر، بلکہ عجائب کوریلور . بورادہ ہب علمدن بحث ایدرکن علم کلہ سی استعمال ایتمک . علم کلہ سی استعمال ایتمکدن چکیتم . زیرا علم فنا بر کلہ در .

اک غیر معین، اک واهی کلمہ لردن در . علم کلہ سی عصر مزیدہ استعمالی غیر جائز بر کلہ در . زیرا علم یوقدر . عالم یوقدر . علم دیمک معلوم دیمک در، دنیادہ معلوم هیچ بر شی یوقدر . علم قطعی در، مطلق در، معین در، مقین در، لایتغیر در، ثابت در . بونلردن هیچ بر دانسی دنیادہ یوقدر . قاطع، نسبی، غیر معین، غیر مقین، دائما متحول، دائما متبدل بر طاقم بیلکیلردن عبارتدر . علم، غیر قاطع، نسبی، غیر معین، غیر مقین، دائما متحول، دائما متبدل بر طاقم بیلکیلردن عبارتدر . حال حاضر دہ کی علم، تجربہ دورندہ در . تجربہ دیمک بیلکسی دیمکدر . بیلکن بر شی خصوصندہ تجربہ بایلمز . بوندن اکلاشیلیورکہ علم یوقدر اولان شی نہ در ؟ اولان شی تجربہ در . تجربہ بابہ بیلن . . ایشہ او عالم در . تجربہ دخی بر علم مخصوصدر . Methodologie نامی ویریلن بر علم درکہ ہر علمہ کیر . ہر علمہ داخل اولور . حال حاضر علم، بویکی علمدہ تقرر ایتمش، تمرکز ایتمش در . شمدیکی علمک دوری تفتولوژی، مہ تودولوژی دوری در . بویکی علومی بیلن ذوات عالم اولیور . بوسوک زماندہ کی docteur carrel مسئلہ سنہ بر دقت ایدیلسون نہ کوریلور ؟ بازسدہ کچن ہفتہ ویرمش اولدینی قونفرانسک نہایتندہ Laudoujy لرك، Poncet لرك مدحیاتی بر کوز اوکنہ کتیریلسون . نہ کوریلور ؟ برنجی سی ایچون بوجہ سوبیلنشددر :

Votre génie opératoire n'est que votre longue patience à trouver des méthodes à créer des techniques par lesquelles il vous sera pénible de faire vivre la vie.

Ce qui prouve, à nouveau, combien l'invention de simples méthodes, de simples techniques, importe aux progrès des sciences, des sciences biologiques en général, des sciences médicales en particulier [*].

دها اشاعید، ینہ عین ذاتی claude Bernard لره، Paul Bert لره Pasteur لره، Berthelot لره و H. Poincaré لره قیاس ایدیور. دیمک تحقیق اختراع ایدن، مه تود کشف ایدنلر بونلره مشابه عالم اولور. بونک ایله ده ثابت اولیور که علم یوقدر، تجربه واردر. ویا خود تجربه به علم دینلیور.

ب. ل

جواب

افندم :

مکتوبکزی تمامیه اوقودم و آرزوکز وجهله رسالیه عیناً درج ایتم. فیزیولوژی (غریزات) حقیقه کی مطالعاتکز معقولدر. شوقدر که بزم مطالعاتزده عین مرکزده ایدی. سز ده مفصل و مکمل اوله رق ایضاح ایتمسکز. باشلامش اولدیغمز درسلی، دیگر بعض مقالات ابتدائیه نک تشری طولایسبله بر قاج نسخهدر تأخیر ایتمک. بر قاج نسخه صوکر ا تکرار باشلایه جغمز بو غریزات درس لرنده ده اوزون بویلی مطالعاتک مندرج بولندیغی کوره جکسکز.

بو خصوصده مملکتیمزک بونوک معلم لرندن برینک معاوضه تأمین ایدیمک اوزره در. «علم» بحثه کلنجه مسروداتکزه بزه عیناً قانغز. بونکه برابر علم کله سنی هرکس کی دائماً استعماله مجبوروز و بو مجبوری قطعی در. اگر آرزوکز وجهله علم یرینه تجربه قولایمق لازم کسه مباحث متعدده بر جوق مشوشیتلر ظهور ایدر. چونکه تجربه نک برده معنای اصطلاحیسی واردر. حالبوکه علمی قطعی بر صورتده معلوم و معروف معناسنه المقی مجبوری اولدیغندن استعمالنده بر محذور یوقدر.

علمک مطلقیت و نسبیتی؛ قرون اولافلسفه سندن باشلایان و زمانمزه قدر امتداد ایدن بر بحثدر. بن، اکثر عالم و متفکرلر کی علمک نسبی اولدینی فکرندهیم. بزجه واسطه علم اولان دماغ و ذکاتک هنوز غایه تکملنه واصل اولدینی معلوم اولنجه علمک ده کسب قطعیت و مطلقیت ایدمه معمش اولاجنی شبه سزدر. بویله اولدینی حالده تجسس سزلی قطعیمین یولنده مختلف تجاربی و بی نهایت کوشش عضلی و عصبی نک نتایج مستحصله سنی افاده ایتمک ایچون ینہ (علم) دن ده مناسب بر کله بولامیورم.

بو مناسبتله بر آزده فن کلمسندن بحث ایدیم :

بز کرک علمی، کرک فنی فرانسیزجه نک (سیانس) کله سی مقابلنده استعمال ایدیوروز. ذاتاً بشقه لسانلرده ده علم و فنه مقابل آیری آیری ایکی کله یوقدر. بعض عالم لریمز و لسانجیلریمز

(فن) ك علمه نظر آدها عملی بر معنایی احتوا ایستد یکنی سویلورلر . مثلاً صرف نظریانندن
باحث و مطالعات نظریه ایله مملو مباحثی علم عد ایستدکاری حالده [علم تکیون نظری کی]
عملیات و تجارب ایله مملو مباحثی فن عد ایسیورلر . [فن کیمیا کی]

بنجه بو تصنیف فضله بر کلفتدر . نظریات ایله عملیاتی نقطه‌سی نقطه‌سنه بر برندن آپیرمق
ممکن اولاماز ، نته‌کیم علم تکیونک تجاربله مملو قسمی اولاییلیدیکی کی فن کیمیالکده آتوم ،
حرارت و سائر کی نظریات ایله بسله‌نمش بختلری موجوددر .

شو حالده علمده ، فن‌ده بردر . ایکی‌سی ده سیانس مقابلندهدر . بونلرک تطبیقی قسملرینه
(صنعت و صنعت) دینیلیر .

ایشته ، بزم علم و فن حقنده‌کی فکرلریمز بو مرکزدهدر . بزجه‌یک قیمتدار اولان
مطالعاتکزه هر زمان و هر خصوصده منتظرز و بوندن طولایی ممنون و متشکر اولدیفمزی
عرض ایدرز افندم .

ب . ت

